

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 74. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19), člana 7. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05 i 103/21), člana 34. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, br. 39/16 i 10/17) i člana 1. Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije BiH“ br. 69/05 i 29/06), člana 50. Statuta Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i člana 28. Odluke o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19), Općinski načelnik, donosi

P R A V I L N I K
O IZMJENAMA I DOPUNAMA
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO

Član 1.

(Izmjena i dopuna člana 18. tačka 3. i tačka 4.)

U Pravilniku o unutrašnjoj organizaciji Općine Novo Sarajevo br. 02-05-258/19 od 12. 6. 2019. godine; 01-04-3006/21 od 28. 4. 2021. godine; 01-04-3785/21 od 25. 5. 2021. godine; 01-04-10190/21 od 20. 12. 2021. godine; 01-02-1-331/23 od 19. 1. 2023. godine i 11-02-1-5904/23 od 18. 7. 2023. godine,

u članu 18. a. u tački 3. za radno mjesto: „Stručni savjetnik za poslove Općinskog vijeća i radnih tijela“:

- u koloni: „Uslovi za vršenje poslova“, iza riječi: „Pravni fakultet“ dodaju se riječi „ili drugi fakultet društvenog smjera“.

U članu 18. a. u tački 4. za radno mjesto: Viši stručni saradnik za poslove Općinskog vijeća i radnih tijela:

- u koloni: „Uslovi za vršenje poslova“, iza riječi: „Pravni fakultet“ dodaju se riječi „ili drugi fakultet društvenog smjera“.

Član 2.

(Izmjena i dopuna člana 28. tačka 6.)

u članu 28. u tački 6. za radno mjesto: “Viši samostalni referent za oblast male privrede“:

- mijenja se naziv radnog mjesta: “Viši samostalni referent za oblast male privrede“ i glasi: „Stručni saradnik za oblast male privrede“
- u koloni: „Uslovi za vršenje poslova“, riječi: „VŠS – Viša upravna škola ili prvi stepen pravnog fakulteta,“, zamjenjuju se riječima:
 „VSS – najmanje VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog studiranja koji se vrednuje sa najmanje 180 ECTS bodova, pravni fakultet, fakultet upravne struke ili drugi fakultet društvenog smjera“.
- u koloni: „Vrsta djelatnosti“, riječ: „dopunski poslovi osnovne djelatnosti“, zamjenjuje se riječima: „osnovna djelatnost“.
- u koloni: „Status izvršioca, riječ „Namještenik“ zamjenjuje se riječima „Državni službenik“.

- u koloni: „Pozicija radnog mjesta“, riječ: „viši samostalni referent“ zamjenjuje se riječima: „stručni saradnik“.

Član 3.

(Izmjena i dopuna člana 48. tačka 6.)

U članu 48. tačka 6. za radno mjesto: Viši stručni saradnik za održavanje i korištenje javnih površina u opisu poslova, u drugoj alineji u zagradi ispred riječi „dječija igrališta“ dodaju se riječi: „zelene javne površine“ i interpunkcijski znak zarez.

-u koloni: „Broj izvršilaca“ broj/riječ: „1 /jedan“, zamjenjuje se brojem/riječju: „2/dva“.

-u koloni: „Uslovi za vršenje poslova“, iza riječi: „ili građevinski fakultet, dodaju se riječi: „ili šumarski fakultet ili poljoprivredni fakultet“.

Član 4.

(Izmjena i dopuna člana 52. tačka 3, tačka 7. i tačka 11.)

U članu 52. tačka 3. za radno mjesto: „Stručni saradnik za pisamicu i arhivu“:

-u koloni „broj izvršilaca“ broj/riječ: „2 /dva“, zamjenjuje se brojem/riječju: „1/jedan“.

U članu 52. tačka 7. za radno mjesto: „Viši referent za ovjeru potpisa, rukopisa i prepisa“:

-u koloni „broj izvršilaca“ broj/riječ: „4 /četiri“, zamjenjuje se brojem/riječju: „5/pet“.

U članu 52. tačka 11. za radno mjesto: „Pomoćni radnik-kurir“

-u koloni „broj izvršilaca“ broj/riječ: „2 /dva“, zamjenjuje se brojem/riječju: „1/jedan“.

Član 5.

(Izmjena i dopuna člana 59. tačka 1. i tačka 23.)

U članu 59. u tački 1. za radno mjesto: Pomoćnik Općinskog načelnika za zajedničke poslove:

-u koloni: „Uslovi za vršenje poslova“, iza riječi: „ekonomski fakultet, dodaju se riječi: „ili građevinski ili arhitektonski fakultet ili drugi fakultet tehničkog smjera“.

U članu 59. u tački 23. za radno mjesto: Viši referent administrator računarske mreže:

-u koloni: „Uslovi za vršenje poslova“,

iza riječi: „mašinska-tehnička škola“, brišu se riječi: „ili građevinska škola“, a dodaju se riječi: „smjera informatike i računarstva/informacionih tehnologija ili druga srednja škola smjera informatike i računarstva/informacionih tehnologija“.

Član 6.

(Stupanje na snagu)

Ovaj pravilnik stupa na snagu danom donošenja.

Broj: 11-02-1-6547/23
Sarajevo, 7. 9. 2023. godine



OPĆINSKI NAČELNIK

Dr. Hasan Tanović

OBRAZLOŽENJE

11-02-1-6547/23 od 7. 9. 2023. godine

I PRAVNI OSNOV

Pravni osnov za donošenje ovog pravilnika sadržan je u:

- Zakonu o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09),
- Zakonu o državnoj službi u Kantonu Sarajevo („Službene novine Kantona Sarajevo“, br. 31/16 i 45/19),
- Zakonu o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05),
- Uredbi o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“ br. 39/16 i 10/17),
- Uredbi o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije BiH“ br. 69/05 i 29/06, u daljem tekstu: Uredba),
- Statutu Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i
- Odluci o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19).

II RAZLOZI ZA DONOŠENJE I OBJAŠNJENJE ODABRANE POLITIKE

Općinski načelnik je donio Pravilnik o unutrašnjoj organizaciji Općine Novo Sarajevo broj: 02-05-258/19 od 12. 6. 2019. godine; broj: 01-04-3006/21 od 28. 4. 2021. godine; broj: 01-04-3785/21 od 25. 5. 2021. godine; broj: 01-04-10190/21 od 20. 12. 2021. godine, broj: 01-02-1-331/23 od 19. 1. 2023. godine i 11-02-1-5904/23 od 18. 7. 2023. godine. Pri njegovoj primjeni, uočena je potreba za izmjenom i dopunom određenog broja članova, a sve radi izvršavanja zakonom i podzakonskim aktima propisanog, usklađivanja sa tim propisima, što sve u konačnici doprinosi efikasnijem i efektivnijem obavljanju poslova Općine. Izmjene i dopune se odnose na sljedeće članove, odnosno radna mjesta:

-član 18. a. tačka 3., radno mjesto u Službi za poslove Općinskog vijeća i lokalnu samoupravu: „Stručni savjetnik za poslove Općinskog vijeća i radnih tijela“: u uslovima za vršenje poslova dodaju se riječi „ili drugi fakultet društvenog smjera“.

-član 18. a. tačka 4., radno mjesto u Službi za poslove Općinskog vijeća i lokalnu samoupravu: „Viši stručni saradnik za poslove Općinskog vijeća i radnih tijela“: u uslovima za vršenje poslova dodaju se riječi „ili drugi fakultet društvenog smjera“.

-član 28. tačka 6., radno mjesto u Službi za privredu, budžet i finansije-Odsjek za malu privredu i poslovne prostore: Viši samostalni referent za oblast male privrede (status: namještenik; uslovi VŠS; dopunski i poslovi osnovne djelatnosti) mijenja naziv u Stručni saradnik za oblast male privrede (status državni službenik; uslovi VSS najmanje 180 ECTS bodova, pravni fakultet, fakultet upravne struke ili drugi fakultet društvenog smjera“; poslovi osnovna djelatnost).

-član 48. tačka 6., radno mjesto u Službi za komunalne i stambene poslove i saobraćaj-Odsjek za komunalne poslove: Viši stručni saradnik za održavanje i korištenje javnih površina, u opisu poslova, u drugoj alineji u zagradi ispred riječi „dječija igrališta“ dodaju se riječi: „zelene javne površine“ i interpunkcijski znak zarez; mijenja se broj izvršilaca sa 1 na 2. Dakle, povećava se broj izvršilaca. Za isto radno mjesto osim, arhitektonskog ili građevinskog fakulteta dodaju se: šumarski ili poljoprivredni fakultet“.

-član 52. u tački 3. za radno mjesto: u Službi za opću upravu-Odsjek za pisarnicu i arhivu: Stručni saradnik za pisarnicu i arhivu broj izvršilaca mijenja se sa 2 na 1.

U tački 7. za radno mjesto Viši referent za ovjeru potpisa, rukopisa i prepisa-mijenja se broj izvršilaca sa 4 na 5.

U tački 11. za radno mjesto: Pomoćni radnik-kurir, mijenja se broj izvršilaca sa 2 na 1.

Dakle, u Službi za opću upravu u Odsjeku za pisarnicu i arhivu broj izvršilaca se povećava za jedan, a smanjuje za dva izvršioca.

-član 59. tačka 1., za radno mjesto: Pomoćnik Općinskog načelnika za zajedničke poslove - u uslovima za vršenje poslova dodaju se građevinski ili arhitektonski fakultet ili drugi fakultet tehničkog smjera.

-član 59. tačka 23., za radno mjesto: Viši referent administrator računarske mreže -u uslovima za vršenje poslova brišu se riječi: „ili građevinska škola“, a na elektrotehničku i mašinsku-tehničku školu dodaje se smjer informatike i računarstva/informacionih tehnologija ili druga srednja škola smjera informatike i računarstva/informacionih tehnologija.

III PROVEDBENI MEHANIZMI I NAČIN OSIGURANJA POŠTIVANJA PROPISA

Provedba ovog pravilnika, odnosno zapošljavanje i raspoređivanje izvršioca na radna mjesta izvršit će se u skladu sa Zakonom o državnoj službi u Kantonu Sarajevo („Službene novine Kantona Sarajevo“, br. 31/16 i 45/19) i Zakonom o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05 i 103/21).

IV OPIS KONSULTACIJA VOĐENIH U PROCESU IZRADE PROPISA

Na osnovu sastanaka vođenih u prethodnom periodu na kojima su obavljene konsultacije u vezi sa primjenom važećeg pravilnika i ukazanim potrebama službe, odnosno Općine, odlučeno je da se izvrši navedeno.

Sindikalni odbor Općine Novo Sarajevo je aktom broj: 01-14/23 od 6. 9. 2023. godine dao pozitivno mišljenje na ovaj Nacrt Pravilnika o izmjenama i dopunama Pravilnika o unutrašnjoj organizaciji Općine Novo Sarajevo.

V PROCJENA EKONOMSKE OPRAVDANOSTI DONOŠENJA PROPISA

Ekonomska opravdanost donošenja ovih izmjena i dopuna, ogleda se u primjeni zakonskih i podzakonskih propisa, efikasnijem obavljanju poslova Općine, što ujedno podrazumijeva i efikasnije ostvarivanje prava i izvršenje obaveza građana o kojima se u ovom organu uprave/organ državne službe rješava.

VI OBRAZLOŽENJE FINANSIJSKIH SREDSTAVA ZA PROVOĐENJE PROPISA I FINANSIJSKE EFEKTE PROPISA

Za provođenje ovog pravilnika, finansijska sredstva se obezbjeđuju u Budžetu Općine Novo Sarajevo.

